

Tur dia ta crea bo historia

Su prome obra cu ta parti di coleccion di **Surinaams Museum**, ta un profil di **Michael Jackson**, pinta na Hulanda na 1996 y cu awe ta un die obranan cu hopi ta admirando relaciona cu morto di e artista Americano, rey di pop.

E obra ta menciona: **"Tur dia ta crea bo historia"**. Riba e pagina aki por mira portada di su buki cu e pintura **Amandla** cu el a regala na **Museo di Nelson Mandela** na Zuid Africa y un silhouette di su mes.



Sr. Rufo Odor a traduci pe na papiamento.

PAGA PESO DI EKIPAHE Y KEDA BASHI



Nieuwe pennenvruchten van Simson
Waldy Simson

E otro mala suerte tabata e ultimo menciona den e buki y tabata relaciona cu su biahe pa Zuid Africa na juli aña pasa.

El a traha duro pa logra obranan pa exposicion na apertura di e museo di **Nelson Mandela** y e obra di tiffany **"Amandla"** cu el a traha na Hulanda lo bira e regalo di dje na **Nelson Mandela** hunto cu e poesia **"Hope"** cu a wordo entrega na **Nelson Mandela**, skirbi na ingles y papiamento, traduci pa **Norma Le Grand**.

Na su salida for di Aruba, el a bin haya e desapunto di mas grandi.

A bin resulta cu e tabata tin mas o menos 100 kilo di peso di mas debi na error den pisamento di tur cos na cas.

El a keda cu dos opcion; paga e peso di mas of keda sin haci e biahe..

El a paga y a yega Hulanda tambe **"plan bashi"**.


Na Hulanda e mester a busca manera pa paga transportacion di su obranan y su estadia na Zuid Africa.

El a logra si pero no pa hiba tur su obranan Zuid Africa.

Den e buki por lesa di su experiencia amplio y e orguyoso cu e tabata di por

a topa cu **Nelson Mandela**, un soño cu a bira realidad y con el a wordo invita pa saca potret cu **Mandela** y su señora **Graça Machel**.

POESIA Y MUSICA DI WALDY



Den e buki mi a bin topa cu musica di **Waldy**, tanto texto como musica skirbi di e canticanan. Lesando mi a bin haya sa con el a presenta e prome concierto di cancionnan propio surinameo di coronan. E coro di Aruba, **"Canta Aruba"** dirigi pa **Rufo Odor** a participa den e concierto di coronan Pasco Grandi. Ta despues di e concierto aki **Waldy** a traha riba e **"Concert Onze Eigen Muziek"** cu na juni 1998 a wordo presenta pa prome biaha na Suriname cu coronan y otro artistanan presentando solamente musica surinameo. Compositor nan surinameo a haya oportunidad pa presenta nan composicionnan y coronan a haya oportunidad pa aumenta nan repertorio cu musica surinameo.

Di e concierto aki tin 4 di e cancionnan di **Waldy** den e buki cu letra y musica; **"En God zei"**, **"U en onze kerk"**, **Psalm 150** y **"Sophie Redmond"**.

M'a cuminza canta **Josephine Redmond** di loke mi a lesa y sin comprende nada: **"Tapu (riba) - tin na fo (diez cuater di)** yanuari, **(Januari)- fu (di)** na yari- **(di aña)** tin nanga negi hondro sebi **(1907)** Mama **Sranang** ben kis wan **(Mama Suriname, a haya)** moy pikin en mem ber de **(un bunita miembro yama)** Jose-

phine **Remond**." Mi ta kere cu mi lo a traduci esaki bon pasobra den e buki, cada palabra na **"taki taki, negerengels, Sranan tongo"** tin su tras un traduccion. Pero pa traha e frase ta keda un dolor di cabez pa mi. Si mi a traduci bon of malo ta keda na esnan cu sa.

Mi a haya mi tambe lesando e poesianan, 15 en total di cualnan un ta na **Sranan tongo** y e otro nan na hulandes. Un di nan ta dedica na Aruba:

Mijn ogen dansten wild —
jouw wereldse schoonheid — en —
jouw zon — speelden voor mij —
de mooiste muziek — ik werd smoorverliefd.
Jou warme omhelzing —
deed mij voelen — de zon — bij jou — gaat het maar niet ten onder.

Prachtig zijn jouw stranden — en haast dromend van genot — zag ik kleuren van Rembrandt — in — jouw eigen zee.

Diadomingo anochi 7 or na Fort Zoutman **Waldy** lo tin presentacion di su buki y na mes momento e bishitantenan lo por goza di un actividad varia, segun mi tin entendi.

Lo siña conoce e poeta, escritor, musico, especialista den expresion ceramica, tiffany y arte visual y lo conoce e lista di lugarnan unda el a tene exposicionnan y tur locual el a logra te awor riba su tereno artistico.

Conociendo **Waldy** lo mi ta sigur na Fort zoutman pasobra pa duna hende sorpresa no tin mihor **Sr. Simson**.

Jubv Naar.